

疾少痊還京明年疾作卒於邸舍年僅三十有一蓋雍正甲寅歲五月朔也同歲生倪侍御國璉周修撰霽梁侍讀詩正爲經紀其含斂奴子兆宗遞其棺以歸時兄在昌方攝江西萬載縣事不得行服母夫人將以歲乙卯之九月四日葬君於北山大方井之祖塋以君少嘗兄事予知君行誼爲悉因命爲誌墓之文君修門內之行居處幽室必自修整雖家人不見墮容與長老言捧手負劍唯恐不下然勇於爲義告之急不以亡爲解友人吳嘉丙貧病以死不克葬君爲誌其窀穸并刊其文傳之薄遊淮陰鍵戶日課經史爲文一洗懦鈍之習孚

甲新意旬鍛月鍊冥搜不已至忘寢饋極意步天嘗疑雍冀齊魯之墟與鶉首大梁降婁元枵之躔次多有不合著論以發丹元子之疑又謂筆迹之妙關於人品鮮發明之者集唐史能書人爲一卷他詩文多不存唯春草碧色賦有能誦之者君生於康熙甲申十月五日娶吳氏無子以兄在昌子震爲後銘曰

嚴維賢裔令德載光兩雛軒軒一覽一祥五采旣備德輝乃翔中道折翅爲孤鳳皇方井之陰龍虎回幹幽宮廣輪掇茨番闕輿藏馬反禮葬非渴誰歟刊銘慈母所